




KAMEMEYKIWEPAK KANAWAPANCIKATEK PAYATE ISHIKIISHWEWIN MAMAW TIPACIMOWIN

Ekii'oshipiikatek kacakosich kiisis 2026



Ka memeykiwepak ishikemakan mishiin animisewinan kaoshikatekin kekonan, imaanek mawach nopimaakamiink tinokan akwaaaakiink tashiikewin kaishiitek. owe nanantokikencikewin kinacikate cikanawapancikatek aniin ka memeykiwepak keisisehiwemakak oshicikatek miinawaa kinwensh apaciatek iwe tashiikewin miikana. ka memeykiwepak iniweniwan tinokan kakikimowak, kamooshkiipik, kasakitek, kakici kishitek miinawaa kaishi ayancisek aakiiwin kiinakacikatewan oma nanantokikencikewinik.

Nonkom Ka ayakin Memeykiwepan Isisewinan

Iwe kamemeykiwepak otanank (onci 1981 akonak 2010) imaanek kawiishiaticatek iwe tashiikewin miikana ki ayamakan ekii kicitakayak kapipoonk miinawaa ekishitek kaniipik. iniweniwan ka memeykiwepak kaisisekin onoweniwan:

- Minikok kaynapikishkamakak 5.5°C;
- Minikok 600 mm kiikimowan peshiko akiiwin, mekwach kaaniipik;
- Mawach kakiikimowak iwe kakiisisowak 82 mm mekwach waatepaka kiisis;
- Kicimaanito kiisis mawach kitakaya, ekiinapikishkak -20.3°C, miinawaawaa apitaaniipin kiisis ekiikishwayak, ekiinapikishkak 17.1°C;
- Mawach kakiitakayak kakiioshipiikatek ekiinapikishkak -46.7°C mekwach makoshewi kiisis 2008, miinawaa kakiikishitek 39.8°C mekwach othemini kiisis 1995;
- Waatepaka kiisis mawach kiishikimowan mawach, miinawaa namepini kiisis kiipankwa minikok 22 cm ekiisokipok miinawaa 1 mm minikok kakiikimowak; miinawaa
- Mawach kakiikimowak peshikokiishika 82 mm mekwach pinaakwe kiisis 10, 1993.

Anishinaabek okiiwiintanawa kayshi wapancikewach iniweniwan kanimemeykisek memeykiwepanon owetineke otanank miinawaa ekiiwiintamowach eka napich koon e-ayach miinawaa mishiin kapinesiiwak mekwach kaniipik, ekii isisek ekicikimowak miinawaa ekicinootik ekiipikosekin wakahikanan miinawaa shikopiik. kaye miin ekiiwapantamowach kishipasitosak owetineke kiiwetinok onteriiyo. Onoweniwan kaishiwapancikewach ishimiikose kaishi mamantaw tipakincikewin

miinawaa kainencikatekin. kanikiishwayak, kaishikiishikak ishpišemakan, eniisisek cikici pinesiiwak miinawaa ciayakin kishipasitosak. kaishi sakakincikaniwak wiincikemakan peshik kishipasitos kiate imaa tashiikewin miikana kawiiishioshikatek, shakoch onci 2017 akonak 2024, kiayamakanon kishipasitosak peshikwa eyaakiiwak.

Kainencikatekin Kiisisek miinawaa Keyshimiinocikaniwak

Kamemeykiwepak tayshicikemakan kaishiwepak imaa tashiikewin miikana keishiateg. Niikan keniishiwepak kiinakacicikate:

Ciishpisek keynapiki kak miinawaa awashime cikishitek

Kakishitek kainapikishkak taysise cikiishwayak kapipoonk eka tepwe cikoonek miinawaa cicakwak ka akocikemakak, shakoch kinwensh ciisisek kanitawikicikemakak. kakishitek mekwach kaniipik isise cishimaacitamakak mekwa kasiikwak miinawaa ciakosek ani takwakik, cishpisek nopimink kasakitekin. kapankwak miinawaa kakishitek kaishiwepak onci wencise cisakitek cimaacitamakak miinawaa ciompwetamakakin, cionci mansisekin anishinape tashiikewinan, pakitanamowin miinawaa nipi kainatekin, ahkiiwinan, miinawaa ciishpisekin animisewinan onci kamooshkiipik miinawaa ciniisatahesekin ahkiin ikwa sakitek.

Awashime miinawaa cikici kimowak kaisisekin / cii-pisek miinawaawaa kakici sokipok.

Cii-pisekin animisewinan onci kasakitek

Kamemeykiwepak onci ishpiše animisewin cisakitek imaa tashiikewin miikanank. kaishpapikisikemakak miinawaa kakicikishitek taonci mansisewak anokiinakanak keoshitowach miikanani miinawaa ke-apacitowach miikanani. kasakitek onciisise cianimaak kapimipisonaniwak miinawaa citapasisek kapakitanamonaniwak. kicikimowak taonciisise cimooshkiipik miinawaa cipiikocikemakak miikanank. Awashime kichi sokipok taysise cii-pakonakak. Kiishpin kaishiwepak iniweniwan taysise cikipakwahikatek iwe tashiikewin miikana, kaye imaa taishimaansise akwaaahkiink miinawaa kaye iniweniwan kotakiiyan tashikewinan keonci apenimowach.



Kapimaatisiimaakakin miinawaa akiiwinan keyshi ancisekin

Kamemeykiwepak taishisemakan imaa mashkoshiin kanitawikikin, awiiyashiishak miinawaa ahkiiwinan. awiiyashiishak taonci animisewak onci ani ishpişikisikemakak kakishitek, ancisek minikok

kakimowak, miinawaa awashime manicoshak kaye ahkosiwinan.

Iwe akiwin pekach tani ancitamakan mishiinoahkiiwin iniweniwan onci kaoncinitawikikin ciompwetamakakin, kani piwakamikak, miinawaa kaye kasakitek kaye kapankwak. kamemeykiwepak ta ancisewan iniweniwan nipiin, miicimaan, mashkikii mashkoshiin miinawaa anishinape inakanesiwin.

Kamemeykiwepak isise cinakacicikatek keishinakok tashiikewin miikana. ketocikatek ci ikatecikaniwak kayem citapasinikatek kakaisisekin miinawaa keishiminosekin ci acikatekin kainatek miikanakewin, okimaawin inakonikewinan, ciminosekin pimiwicikewinan miinawaa ikitowinan kapakitinamowach anishinape tashiikewinan miinawaa kanakaciiwach.

Citapasinikatek ankwamisiwin onci kaishiwepek ciANCISEKIN isisewinan imaa oshicikatekmiinawaa apacicikatek kinwensh iwe tashiikewin miikana, onoweniwan totamowinan ikitonaniwan:

Kakici Kishitek miinawaa Kapimiyamakak Kakishitek:

- Ikiweniwak kanokiiwach cikakipiciiwach iwe katotokiiwach miinawaa kainacikatenik otanokiiwiniwa mekwa kapimiyamakak kakishitek, Cimiinawaakanewach kikishkacikanan miinawaa citakasicikemakak imaa kapeshiwinink; cionacikatek kewiincikemakak kiishpin wiikishitek kaishiwepek miinawaa kapimiyamakak kakishitek;
- Ciwiintamawakanewach anokiinakanak iweni onci minoyawin mekwa kici kishitek; miinawaa
- Ci-acikatekin keishitakisik, ciakwanatek, kayema citakasicikemakak keishiapiwach anokiinakanak.



Kichi Kimowak:

- Cionacikatek keishinakok keishi pimiciwak nipi mekwach kicikimowak;
- Ciapacicikatekin kaishi shipapimiciwak nipi cikanawapancikatek eka cimoshkipiik;
- Cipimi pamicikatek iwe miikanan eka cimaansisek mekwach kicikimowak; mina
- Ciwiintamakenaniwak ikiweniwak ininiwak onci miikana eshinakwak, imaa mawach mekwa kamooshkipiik. owe tinokan, ciwiincikatek antinekehi miinawaa eshinakok kamooshkipiik kayema miikana okiciciwak imaa ka-oshitowach okapeshiwiwiniwa miinawaa imaa tashiikewinik.

Kasakitek:

- Eka ciapacihakanech mitikok imaa kayshi ashawamocikaniwak; apaciton piwapikon kayema asiniikewin;

- Cikape kisiinikaniwak miinawaa cinakacicikatek miikana miinawaa wakahi eka ciisisek cisakitek;
- Cionacikatek wiipach kawiiincikemakak onci kasakitek; miinawaa cionacikatek animisewin oncikewin miinawaa pimiwicikewin kaishikanawapancikatek onacikwein onci kasakitek.

Kapinesiiwak:

- Cionacikatek pinesiiwin wiicikewin cionci kikentamowach ka apacitowach miikanani; miinawaa
- Cionacikatek napapancikan ketotank awiyya kiishpin pinesiiwak.

Kamamawisekin Isisewinan

Owe kamemeykiwepak nakacicikewin kawin nakacicikatesiin kamamawisekin isisewinan ekiikanawapancikatek owe nakacicikewin aniin keisisehiwemakak kani memeykiwepak imaa tashiikewin miikanank.

Kamamaaw Atekin Isisewinan

Owe kani memeykiwepak nakacicikewin okiinakacitonawa iniweniwan memeykiwepanan epeshiko kanawapancikatekin minawaa. Eka keyshi nakishkatiimaakakin iniweniwan keyshiwepakin. iwetash, kawin kamamaaw isisekin onci ka memeykiwepak cionci nakacicikatekin onci tashiikewin miikanank.

Awashime na kiwiikikentan?

Giishpin nawaj geyaabi gegoo wii-gikendamang, weweni gidaa-agindaan ji-gikendaman Aaniin Gemeshkojishkaag / Gidakiiminaang Mazina'igan.

Kekanonach Wiintamakewinan

Kinantomiko ima cishayan akwaaahkiink tashiikewinik miikana kapimanokiitamowach anapii piko wiikakweteyan kayema wiipakitinaman ikitowin.

Piiwapikonk: eaisinput@martenfallsaccessroad.ca

Kitowinik: 1-800-764-9114

Piiwapik: eais.martenfallsaccessroad.ca

